



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 52. Quæstio de Hungaris.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

jugum Evangelii, cui ferendo necdum Sæculum X.
 adsueverunt, ipsis intolerabile videatur, A. C. 915.
 & ad Deorum cultum revertantur. E-
 tenim, si qui Canonicae pœnitentiæ col-
 lum subicere velint, ab isto rigore exi-
 mendi non sunt. In omnibus unice Sa-
 lutem animarum quæras, ut cum S. Re-
 migio ad gaudia æterna pervenias. Mu-
 nus vero tuum, pari quo misisti affectu,
 recepimus.

§. LII.

Quæstio de Hungaris.

Hungaris omnia devastantibus & bar-
 bare sævientibus rumor in plebe in-
 crebuerat, hanc gentem esse Gog & Ma-
 gog, illam nempe perniciem ab Ezechie-
 le Propheta & in Apocalypsi prædictam.
 Unde cum Wicfridus Episcopus Virdu- Tom. XII.
 nensis hac super re Abbatem cujusdam Spicil. p. 349
 Monasterii S. Germani in alia regione
 positi consulisset, respondit ille in hunc
 modum: *Frivola est hæc opinio, atque* Ezech. 38. 8.
a veritate procul remota. Dicunt, im-
minere jam mundi finem, & idcirco
GOG & MAGOG, quos ab Aquilone
in novissimo anno venturos, literis pro-
ditum habemus, Hungaros esse, de qui-
bus antea nihil unquam auditum, &
qui nuper in lucem emerfissent. Sed
caute nobis considerandum, quæ natio-
nes aliæ cum ista venturæ in Scriptu-

Sæculum X. *ra dicantur; videlicet, MOSOCH &*
 A.C. 915. *TUBAL, Persæ, Lybii, GOMER &*
 Ezech. 38. *THOGORMA. Si enim Hungari sub*
 2. & 5. *nominibus GOG & MAGOG acci-*
piendi sunt; ubi ceteræ hærent natio-
nes, quæ cum ipsis venturæ sunt? Nam
MOSOCH sunt Cappadoces secundum
Josephum, TUBAL, sunt Iberi aut
Hispani, vel secundum Hebræos Itali
Persæ & Libii seu Æthiopes gentes
sunt notissimæ, GOMER sunt Galata
seu Gallo-Græci, THOGORMA Pby-
ges. An cum Hungaris hi populi in-
currere conspiciuntur, quorum ne qui-
dem nomina novimus? quod vero dicantur
arcu & sagitta esse armati; om-
nes prope Gentes ad Orientem vel Me-
ridiem habitantes bis armis utuntur.

Judæi & non nulli Christiani judai-
zantes dicunt, GOG & MAGOG esse
populos Scythiæ crudeles & innumerabi-
les, quorum regiones ultra Caucasum
montem & paludem Mæoticam prope
mare Caspium usque ad Indos protende-
rentur, atque Diabolum exacta mille
annorum periodo eosdem impulsurum, ut
veniant in terram ISRAEL, &, cum
pluribus aliis nationibus, adversus San-
ctos Regnum statuant. Ad stabiliendam
 Apocal. 20. 7. *vero hanc suam opinionem adducunt lo-*
cum ex Apocalypsi: & cum consumma-
ti fuerint mille anni, solvetur Satanus
 de

de carcere suo, & exhibit, & seducet Sæculum X.
A. C. 915.
Gentes, quæ sunt super quatuor angulos
terræ, Gog, & Magog, & reliqua.
Cum vero hic liber Titulum præferat,
Apocalypsis, id est, Revelatio, quis du-
bitet, hoc Vaticinium esse Mysticum,
& explicationem esse necessariam? Er-
go vocabula GOG & MAGOG de
nationibus corporeis non sunt accipien-
da, sed significant persecutionem imma-
nem, quam Fidelibus inferunt Hæreti-
ci; hi enim Dæmone instigante Civita-
tem Dei, id est, Ecclesiam ex latebris
& antris suis (*) erumpentes oppugna-
runt. GOG dicitur fastigium seu te-
ctum, id est, Hæresiarcharum superbia,
& MAGOG, quod fastigio paulo infe-
rius est, scilicet Hæresiarcharum Se-
L 4 Etato

(*) Nulla Doctrina, Romano-Catholicæ ad-
versa, claros unquam natales habuit, aut habere
potuit, sed ex tenebris obstetricante diabolo
in lucem exiit. Nullibi Arii ante Arium in Ec-
clesia Doctrina exstitit, quam deinde, sicut &
subsequentes Novatores, in S. Scriptura conti-
neri, frustra contendit. Nulla Doctrina Nesto-
rii, nulla Eutycheis, nulla Lutheri, nulla Calvini,
ante auctorem suum fuit, sed subito ex tene-
bris erupit; nemo enim unquam demonstrare
potuit, quo tempore, quo loco in Ecclesia Do-
ctrina a Fide Romana aliena tanquam vera &
orthodoxa habita fuerit.

Sæculum X.
A. C. 915.
Elatores. Ut vero ad Hungaros nostra oratio redeat, in nullo Historiarum Scriptore portentosæ nationis nomen nos legisse meminimus, etiamsi nulla vel hujus Continentis Regio, vel Insula Romanorum armis inaccessa extiterit. Nisi dicamus, hunc populum, cum pluribus aliis, post longam temporum seriem nomen mutasse.

p. 356.

Præter hanc Epistolam occurrit alia, quæ eundem auctorem habere creditur, & scripta est de illa quæstione: Quare modo (nempe hujus Scriptoris ætate) nullæ Ecclesiæ honori Sanctorum virorum veteris Testamenti, sicut novi, dedicarentur. Et respondet; *Ideo id non fit, quod admodum difficile sit vel omnino impossibile, eorum Reliquias invenire, sine quibus templa ædificari aut consecrari non solent. Ut nihil dicam, quod dies eorum mortis aut martyrii ignoremus.*

§. LIII.

Ecclesia Germanicæ.

Nulla terra magis, quam Germania, Hungarorum incurribus patebat. Anno 912. Franconiam & Thuringiam nemine obsistente expilarunt. Anno sequente, cum Allemanniam, id est, provincias ad superiorem Rheni tractum positas depopularentur, permulti ad Oceanum

*Suppl. Regin.**Herm. Chr.*